

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Rudolphi Goclenii Exercitationes et disputationes ethicae & politicae

Goclenius, Rudolph

Marpurgi Cattorum, 1601

Disputatio XXVI.

[urn:nbn:de:bsz:31-109121](https://nbn-resolving.org/urn:nbn:de:bsz:31-109121)

mus, non minus remanet pudicitia, quam intacto corpore.

5. Hæc pudicitia quamvis una sit & eadem, vocari tamen solet pro diversitate eorum, in quibus fuerit.

6. Nam in virginibus, quæ animo corporeq; pudico sunt, virginitas appellatur: In cælibe ac vidua cælibatus ac vidualis castitas: in conjugatis conjugalis.

7. Horum trium generum præstantissima est virginitas: Quoniam naturæ cupiditatem ita vincit, ut animi sinceritas conseruetur.

8. Cælibum ac viduarum pudicitia, quæ secunda est post virginitatem, in cupiditatum continentia versatur, magnamq; vim exigit ad appetitum illum cohibendum, qui expletus aliquando fuerit.

9. Ultima est conjugalis, quæ in matrimonii legibus servandis consistit. In unoquoq; generum istorum permulti maximè excellere, quos recensere longissimum esset.

10. Contraria pudicitiae est libido, hoc est, si ita loqui liceat, libidinositas, quæ venereæ cupiditatis affectio immoderata est.

11. Hujus vitii turpitudinem non in ipsa solum conjunctione *συνικτη* inhonesta ponimus, sed & in animi vitio ac labe. Sed non punitur civiliter libidinosus aspectus, animusq; concupiscentis mulierem, sed ipsa actio illicita subsequens.

N

12. Et si

12. Etsi qui animo libidinoso est, quamvis ab inhonesto contactu abstineat, non minus est coram Deo vitiosus, quam si re ipsa quod appetiit exequatur.

13. Quo nomine Christus non iudicat ex concubitu inhonesto libidinem, sed ex animi motu interno, cum inquit in Evangelio: Quicumque aspicit mulierem ut concupiscat eam, iam adulterium commisit cum ea.

14. Ad quem locum eruditi quidam annotant τὸ βλέπειν plus significare quam τὸ ὁρᾶν. Notare enim intentionem animi, oculos ad rem aliquam cernendam adjicientis.

DISPUTATIO XXVII.

Theses Politica,
DE BELLO.

Politica. **B**ELLUM hominem Christianum sine peccato gerere posse statuimus.

1. Sed cum grave sit, magnoque constet, non, nisi cum alia expediendae salutis ratio nulla restat, ad hoc confugiendum, omniaque prius tentanda, ac in primis legationibus agendum, quam ad arma descendatur.

2. Tum bellum est indicendum: quod nisi fiat, non est legitime ceptum, & videtur esse latrocinium.

3. Deinde ejus est suscipere bellum, qui jus habet